

Sámi allaskuvlla studeantastivrra njuolggadusat

Dát njuolggadusat leat dahkkon universitehta ja allaskuvlla lága LOV 199-05-12 nr. 22, vuodul, ja dohkkehuvvon studeantastivračoahkkimis 31.01.06.

§ 1 Studeantastivrra ulbmil

Sámi allaskuvlla studeantastivra lea studeanttaid bajimus orgána Sámi allaskuvllas. Studeantastivra galgá nannet ja buoridit Sámi Allaskuvlla studeanttaid sosiálalaš birrasa ja fágalaš dili, ja ovddidit studeanttaid beroštumiid.

§ 2 Studeantastivrra välljen

Studeantastivrras leat vihtta fásta stivralahtu, ja golbma várrelahtu. Studeantastivra välljejuvvo rabasčoahkkimis, ja válggat dahkkojit dábálaš eanetloguin. Stivralahtut várrelahtuiguin välljejuvvojit jahkásaččat čakčalohkanbajis. Jus soames stivralahttu ii sáhte joatkit stivrras, de várrelahttu váldá su saji. Ođđa válga lágiduvvo dárbbu mielde. Geassádeapmi stivrras galgá čálalaččat dahkkot.

§ 3 Jienastan ja evttohanvuoigatvuohta

Sámi allaskuvlla studeanttain lea jienastan- ja evttohanvuoigatvuohta. Studeanta lea juohkehaš gii lea beassan ohppui, váldán vuostá oahpposaji ja lea máksán lohkanbadjedivvaga. Sámi allaskuvlla studeanttat sáhttet ovddidit áššiid studeantastivrii, dát galgá dáhpáhuvvat čálalaččat. Buohkat geat leat studeantan Sámi Allaskuvllas sáhttet boahit čoahkkimiidda, ja besset mitalit oainnuideaset ja árvalit mearrádusa áššiide.

§ 4 Vuodđudančoahkkin

Rektor bovde vuodđudančoahkkimii, ja jođiha čoahkkima dassá go čoahkkinjođiheaddji välljejuvvo. Vuodđudančoahkkin almmuhuvvo ja bovdehus sáddejuvvo 3 vahku ovdal čoahkkinbeaivvi. Čoahkkinjođiheaddji sádde vuodđudančoahkkima čoahkkingirjji diehtun rektorii.

§ 5 Studeantastivrra bargujuohkin

Válljejuvvon studeantastivra ieš vällje jođiheaddji, nubbinjođiheaddji ja čalli. Studeantastivra juohká bargguid ja ovddasvástádusa stivralahtuide.

§ 6 Studeantastivrra barggut

Studeantastivrras lea váikkuhanvejolašvuohta buot áššiide mat gullet Sámi allaskuvlla studeanttaide, sihke fágalaš, oahppobiras áššit, sosiálalaš ja čálgofálaldagaid ektui.

1. Studeantastivra galgá evttohit ja/dehe nammadit studeantaáirasiid lávdegottiide ja stivrraide maid stivra nammada, nugo omd. fágálávdegoddái, oahppobiras lávdegoddái, fágavirgehasaid virgáibidjanlávdegoddái ja eará lávdegottiide maid stivra ásaha.
2. Studeantastivra lea gulaskuddanorgána áššiide mat meannuduvvojit Sámi allaskuvlla stivrras, oahppobiras- ja fágálávdegottis. Studeantastivra galgá doallat oktavuoda studeantaid luohhtámušolbmuiguin, allaskuvllastivrra, fágálávdegotti, SSO stivrra, oahppobiras lávdegotti, váiddalávdegotti ja eará lávdegottiid áirasiiguin.
3. Studeantastivra mearrida bušeahta, bargo- ja doaibmaplána siskkobealde mearriduvvon rápmái.
4. Studeantastivrra jodiheaddji galgá oassálastit mánnosaš čoahkkimii rektorain ja dekáanain.
5. Studeantastivra ásaha bänkokuontu dárbbu mielde. Studeantastivrra jodiheaddji ja čáli hálldašeaba Studeantastivrra bänkokuonto.
6. Studeantakántuvrra eai beasa earát go studeantastivrra miellahttut geavahit.

§ 7 Studeantastivrra njuolggadusat

Studeantastivrra njuolggadusat mearriduvvojit jahkásaččat vuodđudančoahkkimis.

Studeantastivrra njuolggadusat rievdaduvvojit dárbbu mielde. Njuolggadusat rievdaduvvojit vuodđudančoahkkimis dábálaš eanetloguin.

Dát njuolggadusat doaibmagohtet 01.01.06 rájes ja doibmet dassázii go rievdaduvvojit.